

samkvæmt þessari mgr., ef það er lægra en hæsta boð. Söluverð þetta skal ákvæða áður en liðinn er sá frestur, sem uppboðshaldari hefur, samkvæmt uppboðsskilmálum, til samþykkis eða synjunar á boði, enda veiti uppboðshaldar stofnuninni hæfilegan frest til þess að fá ákvörðun um söluverðið. Að fengnu afsali samkvæmt þessu ákvæði skal afmá í veðmálabókum veðbönd og höft á eigninni samkvæmt 36. gr. laga nr. 57 25. maí 1949, um nauðungaruppboð.

Reglugerð þessi, sem sett er samkvæmt lögum nr. 19 10. maí 1965, um Húsnæðismálastofnun ríkisins, sbr. lög frá 8. apríl 1968 um breyting á þeim lögum öðlast gildi þegar í stað.

Félagsmálaráðuneytið, 24. apríl 1968.

Eggert G. Þorsteinsson.

Hjálmar Vilhjálmsson.

8. maí 1968.

Nr. 125.

S A M Þ Y K K T

fyrir Veiðifélag Hítarár.

1. gr.

Félagið heitir Veiðifélag Hítarár. Heimili þess og varnarþing er Kolbeinsstaðahreppur og Hraunhreppur.

2. gr.

Félagið nær til allra jarða, sem land eiga að vatnasvæði Hítarár, en þær eru: Hítarnes, Hítarneskot, Krossholt, Flesjustaðir, Brúarhraun, Moldbrekka, Hróbjargastaðir og Vellir, afréttarland Hraunhrepps, Hítardalur, Helgastaðir og Múlasel, Svarfhóll, Staðarhraun, Melur, Brúarfoss, Lækjarbugur, Skipphylur, Litli-Kálfalækur og Akrar I, II og III.

Til vatnasvæðisins teljast, auk Hítarár, öll þau straumvötn, sem farveg eiga til hennar, svo og Hítarvatn og aðrennslisár þess.

3. gr.

Verkefni félagsins er að viðhalda góðri fiskgengd á félagssvæðinu og ráðstafa því í samræmi við það, sem aðalfundur ákveður hverju sinni. Félagið tekur til allrar veiði á félagssvæðinu.

4. gr.

Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á vixl, þannig, að formaður gengur út eftir eitt ár, annar meðstjórnandinn eftir tvö ár og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig, að annar varamaðurinn og annar endurskoðandinn gangi út annað árið og hinir hitt árið.

5. gr.

Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma,

og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum og fjárreiðum félagsins.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.

6. gr.

Aðalfund skal halda í marz eða apríl mánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins, og úrskurðar fundurinn um þá.

7. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir og bréf.

8. gr.

Arði af sameiginlegri veiði skal skipta niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.

9. gr.

Brot á samþykkt þessari varðar sektum samkvæmt XVII. kafla laga nr. 53/1957 um lax- og silungsveiði.

Samþykkt þessi staðfestist hér með samkvæmt lögum nr. 53 5. júní 1957, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 8. maí 1968.

Ingólfur Jónsson.

Þorv. K. Þorsteinsson.

S A M Þ Y K K T

fyrir Veiðifélag Hofsár í Vopnafirði.

1. gr.

Félagið heitir Veiðifélag Hofsár. Heimili þess og varnarþing er Vopnafjörður.

2. gr.

Félagið nær til allra jarða, sem land eiga að Hofsá og Sunnudalsá, en þær eru: Syðri-Vík, Skjaldþingsstaðir, Rauðhólar, Svinabakkar, Engihlíð, Refsstaður I, II og III, Egilsstaðir, Hrappsstaðir I og II, Hofteigur, Hagi, Guðmundarstaðir, Sunnudalur, Sunnuhlíð, Sireksstaðir, Þorbrandsstaðir I og II, Einarsstaðir, Foss, Bustarfell I og II, Teigur, Hof, Deildarfell, Fell, Ásbrandsstaðir I og II, og Vatnsdalsgerði.

3. gr.

Verkefni félagsins er: Að viðhalda góðri fiskigengd á félagssvæðinu, og að leigja það til stangveiði.

Félagið tekur til allrar veiði á félagssvæðinu.